

Տ. Ա. ԻՋՄԱՅԼՈՎԱ



Լենինգրադում, 1939 թ. սեպտեմբերի 12-ին, կյանքի ութսուներկուերորդ տարում՝ վախճանվեց Տատյանա Ալեքսանդրովնա Իզմայլովան՝ հայ միջնադարյան արվեստի ամենահեղինակավոր դիտակներին մեկը։

Տ. Իզմայլովայի կյանքի հինգ տասնամյակները անմնացորդ նվիրված են հայ արվեստի զանազան ուսումնասիրմանը։ Նա Լենինգրադի Պետական էրմիտաժի հին գիտնականների սերնդի վերջին մոհիկաններից էր, մեծանուն հայագետ Հովսեփ Օրբելու սշակներին էր, որ մեջ խտացնում էր նախահեղափոխական շրջանի ուսման մտավորականության լավագույն գծերը։ Տ. Իզմայլովայի կյանքը սերտորեն միահյուսված էր մեր պատմության ու արվեստին, այնքան բնական ու ներդաշնակ, որ երբեմն տարօրինակ էր թվում նրա՝ Լենինգրադում բնակվելը։

Տ. Իզմայլովան հեղինակել է հարյուրի հասնող գիտական աշխատություններ, կազմել հայ արվեստին նվիրված ցուցահանդեսների ճանկեր և ուղեցույցներ, անհամար դասախոսություններ կարդացել՝ ժողովրդականացնելով

հայ միջնադարյան արվեստի հայտնի ու անձանոթ մասունքները։ Տարիներ շարունակ նա ղեկավարել է էրմիտաժի Առաջավոր Ասիայի և Կովկասի լսմանը, մեծ ջանքեր ներդրել Արևելքի բաժնի հավաքածուների ժողովրդականացման, ցուցահանդեսների կազմակերպման գործում։ Նա բազմաթիվ զեկուցումներով հանդես է եկել էրմիտաժի գիտական նստաշրջանների ժամանակ, Հայաստանում և Վրաստանում կազմակերպված հանրապետական և միջազգային գիտաժողովներում, արտասահմանյան բյուրոյանդագիտական և հայագիտական համագումարներում։

Իզմայլովային երբեք պետք չէր խնդրել գրախոսելու այս կամ այն հրատարակությունը։ Նա պարզապես իր պարտքն էր համարում ուսման ընթերցողին ներկայացնել հայ միջնադարյան արվեստի մասին արտասահմանում և մեր երկրում տպված գրքերը, անել հարկ եղած լրացումները, ուղղումներն ու տալ դրանց արժանի գնահատականը։ Նրա գրած բազմաթիվ գրախոսականներն ինքնին լուրջ գիտական աշխատություններ են։ Նրա հոդվածների շնորհիվ է, որ Մոսկվայում հրատարակվող «Վիզանտիստիկ վրեժների» գիտական պարբերականում տարիներ շարունակ ներկայացվել է հայ մանրանկարչությունը։ Տ. Իզմայլովայի երկերից կարելի է բազմաթիվ հատորներ պատրաստել, և նրա աշխատություններն ուսումնասիրողը կարող է համոզվել, որ գործ ունի հայագիտական պատկանելի մի ժառանգության հետ։

Տ. Իզմայլովան սովորել է Լենինգրադի համալսարանում և Զուբովյան դասընթացներում։ 1930 թ. ապագա գիտնականը աշխատանքի է ընդունվում Պետական էրմիտաժում, որտեղ և աշխատում է ողջ կյանքում։ 1936 թ. հնագիտական արշավախմբի կազմում Տ. Իզմայլովան, որպես Հովսեփ Օրբելու ասպիրանտ, մասնակցում է Ամբերդի պեղումներին։ Վրա հասած պատերազմը խանգարում է երիտասարդ գիտնականին պաշտպանել արդեն պատրաստ թեկնածուական դիսերտացիան։ Այդ ահեղ տարիներին (1941—1946) Իզմայլովային, էրմիտաժի մյուս աշխատակիցների հետ, վստահվում է թանգարանային էվակուացիայի արժեքների պահպանության գործը՝ Սվերդլովսկում։ 1944 թ. նա Մոսկվայի համալսարանում պաշտպանում է «XIII դ. Հայաստանի ճարտարապետական հուշարձանների դեկորատիվ ձևավորումը» խորագրով թեկնածուական դիսերտացիան, իսկ 1971 թ.՝ դոկտորական դիսերտացիա՝ «XI դ. հայկական մանրանկարչությունը» թեմայով։

Անդրանիկ գիտական հոգվածը, որը վերնագրված էր «Երկու ճարտարագիտական բեկորներ Ամբրդից», անվանի արվեստաբանը հրատարակել է 1939 թ.։ Այն նվիրված է Ամբրդի միջնադարյան կառույցների քարե բեկորների քննությանը։ Այդ տարիներին հրատարակված հոգվածների թվում իր կարևորությամբ հատկապես առանձնանում է Սեանի վանքից ծագող IX դ. քանդակազարդ խոյակների՝ պահպանված ամենահին հայկական փայտե ստեղծագործությունների հետազոտությանը նվիրված աշխատությունը («Սեանի խոյակները»), որտեղ Իդմայլովան մատնանշում է այն գեղարվեստական առնչությունները, որոնք գոյություն ունեն այդ հուշարձանների և արաբական խալիֆաթի IX դ. փայտակերտ աշխատանքների միջև։ Այդ ընդհանրությունները գիտնականը բացատրում է արաբական շինությունների կառուցման գործում հայերի մասնակցության իրողությամբ։ «XIII դ. սկզբի Անիի երկու հուշարձանների (Տիգրան Ղոնիկի և Բաղդասարի եկեղեցիներ) դեկորատիվ ձևավորումը հոգվածը նվիրված էր 1215 թ. Տիգրան Ղոնիկի կառուցած ս. Գրիգոր Լուսավորիչ եկեղեցու և Բաղդասարի տիկնոջ XIII դ. սկզբին պատվիրած տաճարի արտաքին ձևավորման հետազոտությանը։ Հիշյալ երկու կառույցների ուսումնասիրությունը արվեստաբանին բերում է այն եզրակացությանը, որ դրանք ներկայացնում են XII—XIII դդ. Հայաստանի զարգացող հնավանդ գեղարվեստական ուղղությունը։ Տ. Իդմայլովան գտնում է, որ գեղարվեստական այդ ուղղության ակունքները անհրաժեշտ է փնտրել X—XI դդ. հայկական ճարտարագիտության մեջ։ Մեկ այլ հոգվածում («Մշակութային ժառանգությունը Անիի հուշարձանների ձևավորման մեջ») գիտնականը X—XI դդ. գեղագիտական դիրքորոշումները պարզելու նպատակով քննության առարկա է դարձնում այդ ժամանակի շինությունների ճարտարագիտական-դեկորատիվ և դարդարվեստային հորինվածքները։ Շիրակի, մասնավորապես Անիի, ինչպես նաև Մյունիքի որոշ կառույցների ճարտարագիտական-դեկորատիվ առանձնահատկությունների, մասնավորապես պորտալների հորինվածքների նկարագրի մեջ արվեստաբանը նկատում է հիլե-նիստական նախորինակից ծագող ձևեր, որոնք, հայտնի լինելով դեռևս V—VII դդ. հայկական կառույցներում, լայն տարածում են գտնում XI դարում։ Հետևելով V—VII դդ. շինություններից հայտնի առանձին նախաձևերի զարգացմանը X—XI դդ. հուշարձաններում, Տ. Իդմայլովան մատնանշում է Բաղրատունիների ժամանակաշրջանի արվեստում դրանց կրած փոփոխությունները։ Գիտնականը նկատում է, որ զարգային հինավուրց մանրամասների երևան գալը պայմանավորված է դեպի վաղ շրջանի ժառանգությունը ուղղված հայացքներով ու կողմնորոշումներով, որոնց արտահայտությունները տեսանելի են նաև այդ ժամանակի դրականության մեջ։ Տ. Իդմայլովայի այս շրջանի ուսումնասիրությունների մեջ արդեն նկատելի է նրա յուրօրինակ հակումը հայկական զարդարվեստի նկատմամբ, ձգտումը՝ թափանցելու անանուն քարագործների նախալին լեզվի խորքերը։ Առաջին ուսումնասիրություններից է գալիս՝ նրա հմտությունը՝ գտնելու, իրար մոտ բերելու և ղուտ զարգային հատկանիշներով միմյանց կապելու, անփորձ դիտողին երբեմն տարբեր թվացող հայկական ձևազարդ մանրանկարները։ Զարգերը թարգմանելու այդ կարողությամբ և գեղագետի նուրբ դիտողականությամբ նա թվագրում է հաճախ ուսումնասիրման համար բարդ, «ամենասակավախոս» մատյանները և գտնում դրանց կատարման հավանական վայրը։ Իր հոգվածներով, ղեկուցումներով, զրթերով և անմիջական զրույցներով Տ. Իդմայլովան գործընկերներին ու աշակերտներին էր հաղորդում հին վարպետների՝ նախընթաց խոսքերից զգուշացնելու, Հայ մանրանկարչության հետազոտությունը գիտնականը ձեռնարկում է 60-ական թվականների սկզբից։ Այդ տարիներին նա քննության առարկա է դարձնում XI դ. հայկական գրքարվեստը, մեկ առ մեկ քննում այդ ժամանակաշրջանի նկարազարդ մատյանները և առանձին հոգվածներ նվիրում դրանց ուսումնասիրմանը։ Երկու տասնամյակ տեղաձուլված հետազոտությունների փառավոր պսակն է կազմում արվեստաբանի գիրքը, որը Մոսկվայում լույս տեսավ 1979 թ.՝ «XI դ. հայկական մանրանկարչությունը՝ վերնագրով։ Այն իրավամբ կարող է դասվել խորհրդային արվեստագիտության լավագույն երկերի շարքը։ Այդ մենագրությունից առաջ 1962 թ. Տ. Իդմայլովան Մարիամ Այվաղյանի հետ հրատարակել է «Հայաստանի արվեստը» գիրքը։ Այստեղ նրա գրչի արդյունքն են «Ներածությունը», «Ամփոփումը», հնագույն շրջանից մինչև XVIII դ. ընկած ժամանակաշրջանում ստեղծված գեղարվեստական ժառանգությունը քննող հատվածները, ինչպես նաև Խորհրդային Հայաստանի ճարտարագիտությանը վերաբերող բաժինը։ Անվանի արվեստաբանը գրել է նաև այլ ուսումնասիրություններ, որոնք հրատարակվել են հոգվածների ձևով։ Այսպես՝ «1325 թվականին ձևավորված զրված հայկական ձևազարդ և նրա 1347 թվականի արձանի կազմը» հոգվածում հետազոտվում են 1325 թ. ձևավորված ս. Բարթոլոմեոս առաքյալ վանքում կամ եկեղեցում գրիչ Աստվածատուրի ընթրինակած ձևազարդ մանրանկարները և նույն մատյանի 1347 թ. արձանի կազմը։ Տ. Իդմայլովայի կարծիքով, հիշյալ

մանրանկարների գեղարվեստական ակունքները անհրաժեշտ է փնտրել կրիկյան գրքարվեստում: Ըստ նրա, այդ նկարադարձումների գրաֆիկական կատարումը հիշեցնում է XIV դ. դրածության մանրանկարչությունը: Ուշագրավ է, որ արծաթե կազմի վրա պատկերված ավետարանիչները և զլածության որոշ ձևազրկերի համանման պատկերները ծագում են միևնույն հնավանդ նախորինականներից: Տ. Իզմայլովայի այս ուսումնասիրությունը կարևոր նշանակություն ունի հայ-իտալական գեղարվեստական առնչությունների հետազոտման տեսակետից: 60-ական թվականներին հրատարակված հոգվածների շարքում իր կարևորությունը առանձնանում է նաև 1290 թվականի կրիկյան ձեռագիրը և նրա վարպետ Թորոս Փիլիսոփան: Կոպիածր, Այստեղ բացահայտված է զլածության նշանավոր նկարիչ Թորոս Տարոնացու օգտագործած նախորինականներից մեկը, մատնանշված է Թորոս Փիլիսոփայի ծաղկած ձեռագրի նշանակությունը Վասպուրականի շրջանում ստեղծված մատյանների համար: Տ. Իզմայլովայի հոգվածների թվում անհրաժեշտ է հիշատակել «Մուրզանեցու օրինակը հայկական մանրանկարչության մեջ» աշխատությունը, որն ընդգրկում է Գրիգոր Մուրզանեցու նախորինակի և նրա հետ կապված XII—XIII դդ. ձեռագրերի քննությունը նվիրված ուսումնասիրությունը:

Իր տեսական հարցադրումներով և եզրահանգումներով ուշագրավ է «Հայկական Վերածնության խնդրի շուրջ» հոդվածը:

Բն՝ ձեռագրագիտական և թե՛ գեղարվեստական առումով արտակարգ կարևորություն ունի Տ. Իզմայլովայի կազմած էրմիտաժի հայկական նկարազարդ ձեռագրերի ցուցակը: Գիտնականի գրչին են պատկանում XII—XIII դդ. Խարբերդի, Կարինի, Անիի, Սյունիքի, Կիլիկիայի գրքարվեստի առանձին հուշարձաններին նվիրված աշխատանքները: Կյանքի վերջին տարիներին Տ. Իզմայլովան պատրաստեց և հրատարակեց բազմաթիվ հոգվածներ XII դ. աշխարհի ձեռագրերի վերաբերյալ, որոնք գրեթե անծանոթ էին հայագիտությանը: Զեղրիտ թվագրում լուսնեցող շատ ձեռագրեր նրա շնորհիվ իրենց որոշակի տեղը ստացան XII դ. հայ գրքարվեստի պատմության մեջ: Նա քննության առավել աշխատհիմքեր, որոնք վրիպել էին Մյուս գիտնականների ուշագրությունից սակավաթիվ նկարազարդումներ ունենալու կամ միայն դարդային մանրամասներով ձևավորված լինելու պատճառով: Կարելի է ասել, որ նա աշխատում էր ամենադժվար ուսումնասիրելի ձեռագրերի վրա: Շնորհիվ նրա հրապարակումների, XII դ. հայ գրքարվեստը այժմ մեղ է ներկայանում ավելի շոշափելիորեն: Տ. Իզմայլովայի այդ ուսումնասիրություններից առաջ գոյություն ունեին այն տեսակետը, թե իր սելուկյան տիրապետության հետևանքով անկում է ապրել նաև XII դ. հայ մանրանկարչությունը: Գիտնականի՝ այս թեմային վերաբերող հոգվածները կողք-կողքի դնելիս կարելի է համոզվել, որ անգամ այդ ծանր քաղաքական պայմաններում հայ ծաղկողները շարունակում էին հույսակա ձեռագրեր նկարազարդել, մեծ շահով նախապատրաստելով հայ գրքարվեստի աննախընթաց զարգացումը XIII դարում:

Տ. Իզմայլովան, կարծես, կանխազգալով իր մոտալուտ վախճանը, շատ էր անհանգստանում, որ չի հասցնի ավարտել Մաշտոցի Մատենադարանի տնօրինության հանձնարարած 12-րդ դարի հայ մանրանկարչությունը ալբոմը: Մահվանից անմիջապես առաջ նա պատրաստեց ու Հայաստան ուղարկեց այդ աշխատությունը, որը հավանորեն կտպագրվի մոտակա տարիներին: Տ. Իզմայլովան ղեկավարել է և ընդգրկմախոսել հայ արվեստի վերաբերյալ դրված մի շարք դիսերտացիոն աշխատություններ:

Տ. Իզմայլովան արտակարգ հետաքրքիր մարդ էր, հույսակա գրուցակից, ութսունամյա հասակում անգամ պահպանել էր սուր հիշողությունը և հույսը: Նա հարազատի պես կապվում էր իր գործընկերների հետ, դառնում նրանց հավատարիմ բարեկամը, վշտանում նրանց անձնական անհաջողությունների կամ կորուստների համար: Սերտ կապեր ունեին հայ գիտնականների, մանավանդ մատենադարանցիների հետ: Էրմիտաժում կար մի անձնվեր բարեկամ, որ ուրախանում էր մեր հաջողություններով և տրտմում ցավի պահին:

Գիտական գործունեության հիսնամյակի և հայագիտության քնազավառում ունեցած վաստակի համար Մ. Մաշտոցի անվան Մատենադարանի տնօրինությունը նրան պարգևատրել էր Մենուպ Մաշտոցի հուշամեդալով, իսկ ծննդյան ութսունամյակի և խորհրդային արվեստագիտությունը մատուցած ծառայությունների համար նա արժանացավ ՀԽՍՀ գերագույն խորհրդի պատվոգրին: Տ. Իզմայլովայի մահվամբ ասպարեզից հեռացավ Հոգևոր Օրրնելու ստեղծած ուսու հայագետների սերունդը, որի ներդրումը, սակայն, կմնա անկրկնելի և յուրօրինակ՝ հայ արվեստի գիտական յուրացման գործում:

Լ. Բ. ՉՈՒԳԱՍՉՅԱՆ

Արվեստագիտության քննադատ